



Ordinàntzia n. 06 de su 10.07.2020

Ogetu: Regulamentatzioni temporànea de sa circulatzioni stradali po traballus po torrai a fai is marciapais e po bitumai is bias a intru de sa bidde.

SU RESPONSÀBILI DE SU SERVÌTZIU

Postu in antis ca s'impresa F.F. SERCI s.r.l depit fai traballus po fresai e bitumai unus cantu bias a intru de sa bidde e at pediu de regulamentai sa circulatzioni stradali me in is bias anca si faint is traballus.

Cunsiderau po tanti s'apretu, po arraxonis de seguresa pùblica de depi proibbiri sa circulatzioni e sa sosta de is veìculus me in is bias anca si faint is traballus naus asuba;

Tenendi a menti is carateristicas tècnicas de is bias in chistioni;

Intèndiu su parri de is ufizius de cumpetèntzia e in mesu a totus su Servìtziu Tècnicu e su Servìtziu de Politzia Locali.

Bius is articulus 6, 7 e 37 de su Còdixi de sa Strada, aprovau cun D.Lgs. 30-4-1992, n. 285 e mudaduras e aciuntas afatantis, e finas etotu su regulamentu suu po ddu acumpri e po ddu poni in pràtica aprovau cun D.P.R. 16-12-1992, n. 495;

Biu su Statutu de su Comunu;

Biu su D.Lgs. nn.267/2000;

ÒRDINAT

movendi de su 14/07/2020, de sa ora de is 7,30 de mangianu a sa ora de is 5,30 de merii e finas a acabbi is traballus, si diponit ca est proibbiu de circolai e de sostai a longu cun rimotzioni, me in is bias de sa bidde:

- Bia de Grazia Deledda;
- Bia de Carbonia

Po su chi pertocat is traballus de fai in su cursu F.Ili Cervi, su tràficu de is veìculus chi ndi arribant de Tzorfoliu e deretu a Siamajore s'at a deviai in sa bia de Gramsci, in sa bia de Simaxis, in sa bia S.Satta, aici comentu s'inditat in sa planimetria aunida a custa

AVISAT

A totu is gosadoris de sa strada de poni in menti a cantu s'est ordinau; a is chini non podint in menti s'ant a sanzionai cunforma a su chi ponit in contu su D.lg. 285/92 Còdixi Nou de sa Strada;

DISPONIT

Po efetu de cussu chi s'est ordinau asuba, s'impresa chi at a fai is traballus s'at a depi incurai de collocai sinnalètica stradali apostata;

A s'acabbu de is traballus, cussa etotu s'at a incurai de torrai a portai sa circulatzioni a comentu fiat a primitziu;

Su personali de sa Politzia Locali e sa Statzioni de is Caranineris tenint s'incàrrigu de fai arrispetai custa ordinàntzia.

Cunforma a sa lei 07.08.1990, n.241, responsàbili de su procedimentu est s'ufiziu de Politzia Locali, in sa personi de s'Istr.Dir. Piredda Corrado, e ca contras a custu provedimentu s'ammitit arrecursu a su Tribunali Amministrativu Regionali de Sardigna a intru de su tèrmini de sessanta diis de sa notifica de cussu etotu o sinuncas a su Presidenti de sa Repùblica, aintru de centubinti diis.

De sa Residèntzia Comunali su 10 de trèulas de su 2020

Su Responsàbili de su Servìtziu

Dot. Marco Casula

(Firmau a manera digitali)

